

Politički zastoj pogađa ugrožene kategorije stanovništva



Najugroženije kategorije stanovništva su posebno teško pogođene neuspjehom političara da formiraju novu vlast, rekao je danas visoki predstavnik i posebni predstavnik EU Valentin Inzko na sastanku sa predstavnicima Udruge neratnih invalida FBiH.

Obraćajući se predsjedniku Udruge neratnih invalida FBiH Zijadu Arapčiću, visoki predstavnik i posebni predstavnik EU je izrazio punu potporu inicijativama usmjerenim ka zapošljavanju najranjivijih kategorija bosanskohercegovačkog društva. Istodobno, visoki predstavnik i posebni predstavnik EU je također istaknuo da nastavak političkog zastoja oko formiranja vlasti suviše često šteti konstruktivnim i pozitivnim inicijativama.

“Neostvarivanje napretka u formiranju vlasti imat će ozbiljne posljedice, što uključuje i financijske implikacije,” kazao je visoki predstavnik i posebni predstavnik EU.

Dok je stopa nezaposlenosti i dalje vrlo visoka – zvanično iznad 43% – te dok polovica stanovništva živi na ili ispod granice siromaštva, ugrožene se kategorije stanovništva, kao što su invalidi, nalaze u osobito teškoj situaciji, izjavio je visoki predstavnik i posebni predstavnik EU. “Odgovornost osoba koje su izabrane u listopadu 2010. godine je da počnu

raditi ono što je neophodno da se konačno prekine politički zastoj, te da počnu poboljšavati uvjete života u BiH, posebice najugroženijih kategorija stanovništva.”